



CONCELLO DE PARADELA

Rúa Cabaleiros de Santiago nº 15
27611 Paradelá
Tfno: 982 54 11 01/ 96
Fax: 982 54 12 32 / 07
E-mail: concello.paradela@eidolocal.es

ACTA Nº 5/2014

CONCELLO DE PARADELA

PROVINCIA DE LUGO

ACTA DA SESIÓN EXTRAORDINARIA, CELEBRADA POLO PLENO CORPORATIVO MUNICIPAL O DÍA DEZASETE DE XULLO DE DOUS MIL CATORCE.

En Paradelá, a dezasete de xullo de 2014

No Salón de Sesións da Casa Consistorial, sendo as trece horas e cinco minutos, reúnese en primeira convocatoria a Corporación Municipal en Sesión extraordinaria, baixo a Presidencia do Alcalde, D. José Manuel Mato Díaz e coa asistencia dos Srs. Concelleiros.

- D^a SONSOLES LÓPEZ IZQUIERDO.
- D. GUILLERMO CASTRO GONZÁLEZ
- D. ELISEO LÓPEZ RODRÍGUEZ
- D^a M^a MONTSERRAT MULET SAR
- D. MANUEL REGUEIRO LÓPEZ
- D. BENJAMÍN LÓPEZ MATO
- D^a. ANA BELÉN LÓPEZ ÁLVAREZ
- D. SENÉN LÓPEZ GARCÍA

Non asisten os Srs. Concelleiros D^a M^a TERESA VEIGA RODRÍGUEZ e D. SECUNDINO PÉREZ LÓPEZ.

Asiste o Secretario-Interventor da Corporación, José López González, que da fe do acto.

A continuación procédese a coñecer dos asuntos incluídos na orde do día.

1º. APROBACIÓN, SE PROCEDE, DO ESTUDIO DE DETALLE PARA REVISIÓN DE ORDENACIÓN DE VOLUMES EN RE-3.

Vista a proposición de Alcaldía co seguinte tenor literal:

“Visto o expediente promovido de oficio polo Concello, **do Estudio de Detalle para revisión de ordenación de volúmenes en RE-3**, e examinado o mesmo, de conformidade co disposto no artigo 175 do Regulamento de Organización, Funcionamiento e Réxime Xurídico das Entidades Locais, aprobado por Real Decreto 2568/1986, de 28 de novembro cabe sinalar no expediente administrativo o seguintes antecedentes:

Por acordo da Xunta de Goberno Local, en sesión extraordinaria, celebrada o 9 de xuño de 2014, aprobouse inicialmente o Estudio de detalle, obxecto do presente, de xeito textual se recolle o seguinte:

“O Estudio de Detalle do ano 2.010 tiña como obxecto o desenrolo dun dos dous volumes que conforman a ordenanza residencia exenta RE-3, pero non resolvía, tal e como insta o PXOM, a resolver a totalidade da Ordenanza.”

Como resultado da necesidade de desenrolar o volume restante, é preciso adaptar dito Estudio de detalle ás necesidade da noeva edificación, destinada a unha residencia de anciáns, de pequenas dimensións, denominada miniresidencia con dependencias destinadas á promoción da autonomía persoal”.

O expediente foi sometido a información pública mediante anuncios no Diario Oficial de Galicia nº 115 de data 18 de xuño de 2014, e no xornal “La Voz de Galicia” da mesma data.

No período de información pública referido non se presentou alegación ou observación algunha, tal e como consta no certificado expedido ao efecto polo Secretario da Corporación.

Visto o informe de Secretaría, no que se fai constar que se seguiron os trámites legais establecidos e emitidos os informes técnicos e xurídicos preceptivos, o Alcalde-Presidente da Corporación propón ao Pleno da Corporación:

PRIMEIRO.- Aprobar definitivamente Estudio de Detalle promovido de oficio polo Concello para a APROBACIÓN DO ESTUDIO DE DETALLE PARA REVISIÓN DA ORDENACIÓN DE VOLUMES EN RE-3, co obxecto de reordenar os volumes previstos neste ámbito, ao amparo do disposto no PXOM, que prevé a realización dos estudos de detalle co fin de modificar os parámetros establecidos.

SEGUNDO.- Notificar persoalmente aos interesados; publicar o presente acordo no Diario Oficial de Galicia, e, xunto coa normativa urbanística aprobada, no Boletín Oficial da Provincia.

TERCEIRO.- Dar traslado á Consellería Consellería de Medio Ambiente, Territorio e Infraestructuras da documentación á que se fai referencia no artigo 92.3 da Lei 9/2002, de 30 de decembro, de Ordenación Urbanística e Protección do Medio Rural de Galicia, dando traslado de dous exemplares do instrumento definitivamente aprobado.

Paradela, 14 de xullo de 2014 O Alcalde-Presidente .Asdo.: José Manuel Mato Díaz”.

Dona Sonsoles López, voceira do Grupo Municipal Socialista, di que o seu grupo se vai a abster porque non ve xustificada a convocatoria dun pleno extraordinario cando dentro de quince días hai pleno ordinario, e se estivemos anos esperando pola residencia poderíamos esperar quince días máis.

A continuación procédese á votación da proposta, resultando aprobada pola maioría absoluta, cos sete votos a favor dos membros do Grupo Municipal do Partido Popular e a abstención dos dous membros do Grupo Municipal Socialista, sendo once o seu número legal de membros.”.

2º.- DACIÓN DE CONTA DO INFORME DE SECRETARÍA-INTERVENCIÓN DO CUMPRIMENTO DA LEI DE MEDIDAS CONTRA A MOROSIDADE RELATIVO AO SEGUNDO TRIMESTRE DE 2014.

Procédese neste punto da orde do día, a dar conta do informe emitido pola Secretaría-Intervención do cumprimento da lei de medidas contra a morosidade relativo ao segundo trimestre de 2014, co seguinte tenor literal:

“ASUNTO: INFORME DE SECRETARÍA-INTERVENCIÓN PREVISTO NO ART. 5.4 DA LEI 15/2010, DE 5 DE XULLO, DE MODIFICACIÓN DA LEI



CONCELLO DE PARADELA

Rúa Cabaleiros de Santiago nº 15
27611 Paradelas
Tfno: 982 54 11 01/ 96
Fax: 982 54 12 32 / 07
E-mail: concello.paradela@eidolocal.es

3/2004, DE 29 DE DECEMBRO, POLA QUE SE ESTABLECEN MEDIDAS DE LOITA CONTRA A MORISIDADE NAS OPERACIÓNS COMERCIAIS.

A fiscalización exerceuse de conformidade co establecido no artigo 4 do Real Decreto 1174/1987, de 18 de setembro aos efectos do disposto no Real Decreto Legislativo 2/2004 de 5 de marzo polo que se aproba o texto refundido da Lei reguladora das facendas locais (TRLRFL en adiante) , emitíndose o seguinte informe na estrita orde económica, con relación ao **artigo 4 da Lei 15/2010, de modificación da Lei 3/2004, de 29 de decembro, pola que se establecen medidas de loita contra a morosidade nas operacións comerciais, e as facturas impagadas con data de antigüidade superior a 30 días.**

CONSIDERACIÓNS PREVIAS EN CANTO AO ALCANCE DO INFORME.

De acordo coa Disposición Transitoria primeira da Lei 15/2010, de 5 de xullo de 2010 (BOE número 163, de 6 de xullo de 2010), que sinala que a lei será de aplicación a todos os contratos celebrados con posterioridade á súa entrada en vigor, así como o indicado na Disposición Final Única, segundo a cal a presente lei entrará en vigor o día seguinte ao da súa publicación no Boletín Oficial do Estado, **o presente informe limitase ás facturas cuxa entrada no concello sexa de data igual ou posterior ao 1 de xaneiro de 2012 ata o 30 de xuño de 2014.**

LEXISLACIÓN BÁSICA DE APLICACIÓN

- Artigo 3 e 4 da Lei 15/2010, de 5 de xullo.
- Artigo 200, e Disposición Transitoria Oitava da Lei 30/2007, de 30 de outubro de Contratos do Sector Público.

CONSIDERACIÓNS XURÍDICAS.

En canto á morosidade das administracións públicas, o artigo 4.3 da Lei 15/2010, dispón:

“Os Tesoureiros ou, no seu defecto, Interventores das Corporacións locais elaborarán trimestralmente un informe sobre o cumprimento dos prazos previstos nesta Lei para o pago das obrigas de cada Entidade Local, que incluírá necesariamente o número e contía global das obrigas pendentes nas que se estea incumprindo o prazo”.

No apartado 4.4 do referido artigo establécese:

Sen perxuízo da súa posible presentación e debate no Pleno da Corporación local, dito informe deberá remitirse, en todo caso, aos órganos competentes do Ministerio de Economía e Facenda e, no seu respectivo ámbito territorial, aos das Comunidades Autónomas que, con arreglo aos seus respectivos Estatutos de Autonomía, teñan atribuída a tutela financeira das Entidades locais. Tales órganos poderán igualmente requerir a remisión dos citados informes.

Queda claro que do mencionado precepto derívase a *obriga da elaboración por parte da Tesouraría e/ou a Intervención do informe que poña de manifesto o cumprimento dos prazos previstos nesta Lei para o pago das obrigas do Concello de Paradela, que incluírá necesariamente o número e contía global das obrigas pendentes* nas que se estea a incumprir o prazo, así como a obriga de *remitir o mesmo aos órganos competentes do Ministerio de Economía e Facenda e, no seu respectivo ámbito territorial*, aos das Comunidades Autónomas que, con arranxo aos seus respectivos Estatutos de Autonomía, teñan atribuída a tutela financeira das Entidades locais, *sen perxuízo da súa posible presentación e debate no Pleno do Concello*.

Dende o 1 de xaneiro de 2012, o programa de contabilidade municipal foi adaptado por parte da empresa de mantemento do mesmo, coa finalidade de poder elaborar o mencionado informe, proporcionando os listados cos datos das facturas totais rexistradas, o seu importe e os prazos de pago; xa que ata este momento non era posible poder cumprimentar debidamente os informes requiridos polo Ministerio, xa que o cálculo había que facelo manualmente, non dispoñendo dos medios nin persoais nin materiais.

É todo canto se informe, **PROPOÑÉNDOSE:**

1) Que do presente informe e os seus anexos se dea traslado aos órganos competentes do Ministerio de Economía e Facenda e, no seu respectivo ámbito territorial, ao Consello de Contas, aos efectos oportunos.

2) Que se dea traslado igualmente ao Pleno do Concello de Paradela, pois aínda que o artigo 4 da Lei di ao respecto do mesmo “sen perxuízo da súa posible presentación e debate no Pleno da Corporación local,”, o artigo 5.4, da mesma norma dispón:

“A Intervención ou órgano da Entidade Local que teña atribuída a función de contabilidade incorporará ao Informe trimestral ao Pleno regulado no artigo anterior, unha relación das facturas ou documentos xustificativos con respecto aos cales teñan transcorrido mais de tres meses dende a súa anotación no citado rexistro e non se teñan tramitado os correspondentes expedientes de recoñecemento da obriga ou se teña xustificado polo órgano xestor a ausencia de tramitación dos mesmos”.

Por isto deberá unirse ao presente informe ao que se deberá dar conta ao Pleno na próxima sesión que se celebre, xustificación pola Alcaldía das causas do incumprimento nos prazos de tramitación das facturas indicadas a continuación.

INFORME DE PAGOS REALIZADOS:

Nº pagos realizados dentro período legal de pago	Importe total de pagos realizados dentro do período legal de pago	Nº pagos realizados fóra período legal de pago	Importe total de pagos realizados fóra período legal de pago
95	141.638,31 €	9	13.891,96 €

O Período medio de pago foi de 18,7595 días e o período medio de pago excedido foi de 8,3709 días o que da un total de 27,1304 días o que supón que os pagos realizados no segundo trimestre de 2014 non supera os trinta días contemplados na lexislación vixente, e polo tanto cumprindo as prescripción legais.



CONCELLO DE PARADELA

Rúa Cabaleiros de Santiago nº 15
27611 Paradelá
Tfno: 982 54 11 01/96
Fax: 982 54 12 32 / 07
E-mail: concello.paradela@eidolocal.es

INFORME DE FACTURAS PENDIENTES DE PAGO AO FINAL DO TRIMESTRE:

Nº de operacións pendentes dentro periodo legal de pago	Importe total de operacións pendentes dentro periodo legal de pago	Nº de operación pendentes fóra do periodo legal de pago	Importe de operacións pendentes fóra do periodo legal de pago
20	25.326,73 €	0	0,00 €

INTERESES DE DEMORA PAGADOS NO TRIMESTRE: 0,00 €

FACTURAS OU DOCUMENTOS XUSTIFICATIVOS PENDENTES DE RECOÑECIMENTO DA OBRIGA : **NINGUNHA**

Paradelá, 14 de xullo de 2014 O Secretario-Interventor Asdo.: José López González”

O Pleno dase por enterado.

E non habendo máis asuntos que tratar, o Presidente levantou a sesión sendo as trece horas e dez minutos do dezasete de xullo de dous mil catorce, exténdose a presente acta da que coma Secretario-Interventor dou fe.

Visto e prace
O Alcalde

O Secretario-Interventor

